

書名 廣文選八十二卷 嘉靖
十二年序刊本
撰者 明 劉節 輯
卷 卷二十三
內容分類 集-總集-詩文
索書號 大木-集部-總集類-3
編號 D7920300

卷二十三



廣文選卷第一

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

惟自然之初載兮道虛無而玄清太素紛以溷淆兮始
有物下而混成何元一之芒昧兮廓開闢而著形爾乃清
濁剖玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化度類授之以形稟之以氣色表文采聲有音
律復言方流形品物鼓以雷霆潤以慶雲八風翱翔

天地賦

成公子安

明通議大夫都察院右副都御史大庾劉節廣



0 1 2 3 4 5 6 7 8 9 10

不 許 複 製

NOT TO BE REPRODUCED

東京大学東洋文化研究所

東洋圖書印

廣文選卷第二十三

明通議大夫都察院右副都御史大庾劉節廣

四六四庫

思親操

操上廣

思親操

大舜

陟彼歷山兮崔嵬有鳥翔兮高飛瞻彼鳩兮徘徊河水
洋洋兮青冷深谷鳥鳴兮鸞鷟設宵張寘兮思我父母
力耕日與月兮往如馳父母遠兮吾當安歸

襄陵操

大禹

嗚呼洪水滔天下民愁悲上帝愈咨三過吾門不入父
子道衰嗟嗟不欲煩下民

拘幽操

文王

殷道溷溷浸濁煩兮朱紫相合不別分兮迷亂聲色信
讒言兮炎炎之虐使我怨兮幽閉牢窶由其言兮違我
四人憂勤勤兮

克商操

武王

上告皇天兮可以行乎

傷殷操

微子

麥秀漸漸兮黍稷油油彼狡童兮不我好仇

越裳操

周公

於戲嗟嗟非且之力乃文王之德

神鳳操

成王

鳳皇翔兮於紫庭予何德兮以感靈賴先人兮恩澤
于膏樂兮民以寧

文王操

孔子

黜而黑頰而長曠如望全奄有四方非文王其孰能為
此

將歸操

孔子

周道衰微禮樂陵遲文武既隳吾將焉師周遊天下靡
邦可依鳳鳥不識珍寶巢鷗眷然顧之慘然心悲巾車
命駕將適唐都黃河洋洋悠悠之魚臨津不濟還轅息
鄒傷予道窮哀彼無辜翔翔于衛復我舊廬從吾所好
其樂只且

猗蘭操

孔子

習習谷風以陰以雨之子于歸遠送于野彼何蒼天不
得其所逍遙九州無有定處世人闇蔽不知賢者年紀

逝邁一身將老

龜山操

孔子

余欲望魯兮龜山蔽之手無斧柯柰龜山何

履霜操

尹伯奇

朝履霜兮採晨寒考不明其心兮信讒言孤恩離別兮
摧肺肝何辜皇天兮遭斯愆痛歿不同兮恩有偏誰說
顧兮知此筭

雉朝飛操

牧犢子

雉朝飛兮鳴相和雌雄羣遊兮山阿我獨何命兮未有
家時將暮兮可柰何嗟嗟暮兮柰若何

別鶴操

商陵穆子

北比翼兮隔天端山川悠遠兮路漫漫攬衾不寐兮
食忘餐

採芝操

漢四皓

皓天嗟嗟深谷逶迤樹木莫莫高山崔嵬巖居穴處以
為幄茵曄曄紫芝可以療饑唐虞往矣吾當安歸

操下補

胡笳十八拍

蔡琰

我生之初尚無為我生之後漢祚衰天不仁兮降亂離
地不仁兮使我逢此時干戈日尋兮道路危民卒流亡
兮共哀悲煙塵蔽野兮胡虜盛志意乖兮節義虧對殊
俗兮非我宜遭惡辱兮當告誰笳一會兮琴一拍心憤
怨兮無人知

戎羯逼我兮為室家將我行兮向天涯雲山萬重兮歸

路遐疾風千里兮揚塵沙人多暴猛兮如虺蛇控弦被
甲兮為驕奢兩拍張絃兮絃欲絕志摧心折兮自悲嗟
越漢國兮入胡城亡家失身兮不如無生羶裘為裳兮
骨肉震驚羯羶為味兮杜遏我情鞞鼓喧兮從夜達明
胡風浩浩兮暗塞營傷今感昔兮三拍成啣悲畜恨兮
何時乎

無日無夜兮不思我鄉土稟氣含生兮莫過我最苦天
災國亂兮人無主唯我薄命兮沒戎虜殊俗心異兮身
難處嗜欲不同兮誰可與語尋思涉歷兮多艱阻四拍
成兮益悽楚

鴈南征兮欲寄邊聲鴈北歸兮為得漢音鴈飛高兮邈
難尋空斷腸兮思悄悄攢眉向月兮撫雅琴五拍冷冷
兮意彌深

冰霜凜凜兮身苦寒饑對肉酪兮不能餐夜聞隴水兮
聲嗚咽朝見長城兮路杳漫追思往日兮行李難六拍
悲來兮欲罷彈

日暮風悲兮邊聲四起不知愁心兮說向誰是原野蕭
條兮烽戍萬里俗賤老弱兮少壯為美逐有水草兮安
家葺壘牛羊滿野兮聚如蜂蟻草盡水竭兮羊馬皆徒
七拍流恨兮惡居於此

為天有眼兮何不見我獨漂流為神有靈兮何事處我
天南海北頭我不負天兮天何配我殊匹我不負神兮
何殛我越荒州製斯八拍兮擬俳優何知曲成兮心轉
愁

天無涯兮地無邊我心愁兮亦復然人生倏忽兮如白
駒之過隙然不得歡樂兮當我之盛年怨兮欲問天天
蒼蒼兮上無緣舉頭仰望兮空雲烟九拍懷情誰與傳
城頭烽火不會滅疆場征戰何時歇殺氣朝朝衝塞門
胡風夜夜吹邊月故鄉隔兮音塵絕哭無聲兮氣將咽
一生辛苦兮緣離別十拍悲深兮淚成血

我非貪生而惡死不能損身兮心有以生仍冀得兮歸
桑梓死當埋骨兮長已矣日居月諸兮在戎壘胡人寵
我兮有二子鞠之育之兮不羞耻愍之念之兮生長邊
鄙十有一拍兮因茲起哀響纏綿兮徹心髓

東風應律兮暖氣多知是漢家天子兮布陽和羞胡蹈
舞兮共謳歌兩國交權兮罷兵戈忽遇漢使兮稱近詔
遣千金兮贖妾身喜得生還兮逢聖君嗟別稚子兮會
無因十有二拍兮哀樂均去住兩情兮難具陳

不謂殘生兮却得旋歸撫抱胡兒兮泣下沾衣漢使迎
我兮四牡駢駢號失聲兮誰得知與我生死兮逢此時
愁爲子兮日無光輝焉得翼羽兮將汝歸一步一遠兮
足難移蒐消影絕兮恩愛遺十有三拍兮絃急調悲肝
腸攬刺兮人莫我知

身歸國兮兒莫知隨心懸懸兮長如饑四時萬物兮有
盛衰唯我愁苦兮不暫移山高地闊兮見汝無期更深
夜闌兮夢汝來斯夢中執手兮一喜一悲覺後痛吾心
兮無休歇時有十四拍兮涕泪交垂河水東流兮心是
思

十五拍兮節調促氣填胸兮誰識曲處穹廬兮偶殊俗
願得歸來兮天從欲再還漢國兮懽心足心有懷兮愁
轉深日月無私兮曾不照臨子母分離兮意難任同天
隔越兮如參商生死不相知兮何處尋

十六拍兮思茫茫我與兒兮各一方日東月西兮徒相
望不得相隨兮空斷腸對萱草兮憂不忘彈鳴琴兮情
何傷今別子兮歸故鄉舊怨平兮新怨長泣血仰頭兮
訴蒼蒼胡爲生兮獨罹此殃

十七拍兮心鼻酸關山阻脩兮行路難去時懷土兮心
無緒來時別兒兮思漫漫塞上蒿蒿兮枝枯葉乾沙場
白骨兮刀痕箭瘢風霜凜凜兮春夏寒人馬饑虺兮筋
力單豈知重德兮入長安歎息欲絕兮淚闌干

胡茄本出自胡中緣琴翻出音律同十八拍兮曲雖終
響有餘兮思無窮是知絲竹微妙兮均造化之功哀樂
各隨人心兮有變則通胡與漢兮異域殊風天與地隔
兮子西母東苦我怨氣兮浩於長空六合雖廣兮受之
應不容

挽歌

薤露

古辭

薤上露何易晞露晞明朝更復落人死一去何時歸

薤露

魏武帝

惟漢三十二世所任誠不良沐猴而冠帶知小而謀疆
猶豫不敢斷因狩執君王白虹爲貫日已亦先受殃賊
臣執國柄殺主滅宇京蕩復帝基業宗廟以燔喪播越

西遷移號泣而且行瞻彼洛城郭微子爲哀傷

薤露

曹子建

天地無窮極陰陽轉相因人居一世間忽若風吹塵願
得展功勤輸力於明君懷此王佐才慷慨獨不羣鱗介
尊神龍走獸宗麒麟蟲獸猶知德何況於士人孔子刪
詩書王業燦已分騁我徑寸翰流藻垂華芬

蒿里

古辭

蒿里誰家地聚歛菟兔無賢愚鬼伯一何相催促人命
不得少踟躕

蒿里

曹孟德

關東有義士興兵討羣兇初期會盟津乃心在咸陽軍
合力不齊躊躇而鴈行勢利使人爭嗣還自相戕淮南
弟稱號刻壘於北方鎧甲生蟻虱萬姓以死亡白骨露
於野千里無鷄鳴生民百遺一念之絕人腸

蒿里

鮑明遠

同盡無貴賤殊願有窮伸馳波催未夜零露逼短晷結
我幽山駕去此滿堂親虛容遺劔佩實貌戢衣巾斗酒
安可酌尺書誰復陳年代稍推遠懷抱日幽淪人生良
自劇天道與何人齋我長恨意歸爲狐兔塵

挽歌

陶淵明

有生必有死早終非命促昨暮同爲人今日在鬼錄菟
氣散何之枯形寄空木嬌兒索父啼良友拊我哭得失
不復知是非安能覺千秋萬歲後誰知榮與辱但恨在
世時飲酒恒不足

挽歌

鮑明遠

獨處重冥下憶昔登高臺傲岸平生中不為物所栽
門只復閉白蟻相將來生時芳蘭體小蟲今為災玄髮
無復根枯骸依青苔憶昔好飲酒素盤進青梅彭韓及
廉藺疇昔已成灰壯士皆死盡餘人安在哉

挽歌

祖珽

昔日驅駟馬謁帝長楊宮旌懸白雲外騎獵紅塵中
今來向章浦素蓋轉悲風榮華與歌笑萬事盡成空

雜歌上

擊壤歌

老人

日出而作日入而息鑿井而飲耕田而食帝力於我何
有哉

卿雲歌

大舜

卿雲爛兮禮縵縵兮日月光華旦復旦兮

南風歌

大舜

南風之薰兮可以解吾民之愠兮南風之時兮可以阜
吾民之財兮

夏人歌二章

大舜

江水沛兮舟楫敗兮我王廢兮趣歸于亳亳亦大兮
樂兮樂兮四牡躑兮六轡沃兮去不善而從善何不樂

塗山歌

大舜

綏綏白狐九尾靡靡我家嘉夷來賓為王成于家室我
都攸昌天人之際於茲則行明矣哉

采薇歌

伯夷

登彼西山兮采其薇矣以暴易暴兮不知其非矣神農
虞夏忽焉没兮我安適歸矣于嗟徂矣命之衰矣

飯牛歌

甯戚

南山燦白石爛生不逢堯與舜禪短布單衣適至馭從
昏飯牛至夜半長夜漫漫何時旦

龍蛇歌

介子推

有龍矯矯頃失其所五蛇從之周流天下龍饑無食一
蛇割股龍及其淵安其壤土四蛇入穴皆有處所一蛇
無穴號於中野

侏儒歌

魯人

滅之狐裘敗我於狐貍我君小子朱儒是使朱儒朱儒
使我敗於邾

築者歌

宋人

澤門之皙實興我役邑中之黔實慰我心

輿人歌

晉人

原田每每舍其舊而新是謀

孔子歌

魯人

袞衣章甫實獲我所草甫袞衣惠我無私

驪駒歌

驪駒在門僕夫具存驪駒在路僕夫整駕

河激歌

女娟趙簡子夫人河
津吏之女也

升彼河兮而觀清水揚波兮冒冥冥禱求福兮醉不醒
誅將加兮妾心驚罰既釋兮瀆乃清妾持檝兮操其維

蛟龍助兮主將歸呼來擢兮行勿疑

楚商歌

優孟

貪吏不可為而可為廉吏可為而不可為貪吏而不可為當時有汚名而可為者子孫以家成廉吏而可為當時有清名而不可為者子孫困窮被褐而賣薪貪吏常苦富廉吏常苦貧獨不見楚相孫叔敖廉潔不受錢

延陵季子歌

徐人

延陵季子兮不忘故脫千金之劍兮帶丘墓

子產歌

鄭人

我有子弟子產誨之我有田疇子產殖之子產而死誰其嗣之

齊臺歌

晏平仲

庶民之餒我若之何奉上靡弊我若之何

師乙歌

彼婦之口可以出走彼婦之謁可以死敗優哉游哉聊以卒歲

大道歌

孔子

大道隱兮禮為基賢人竄兮將待時天下如一兮欲何之

丘陵歌

孔子

登彼丘陵刻施其阪仁道在邇求之若遠遂迷不復自嬰迤蹇喟然回慮題彼泰山鬱確其高粱父回連枳棘克路陟之無緣將伐無柯患茲蔓延惟以求歎涕實潺溪

獲麟歌

孔子

唐虞世兮麟鳳遊今非其時來何求麟兮麟兮我心憂

曳杖歌

孔子

泰山其頽乎梁木其壞乎哲人其萎乎

鳳兮歌

楚狂接輿

鳳兮鳳兮何德之衰往者不可諫來者猶可追已而已而今之從政者殆而

孺子歌

滄浪之水清兮可以濯我纓滄浪之水濁兮可以濯我足

狐裘歌

士蔞

狐裘蒙茸一國三公吾誰適從

鄉人飲酒歌

我之圃生之杞乎從我者子乎去我者鄙乎信其鄙者耻乎已乎非吾黨之士乎

優施歌

暇豫之吾吾不如烏烏人皆集於死已獨集於枯

成相二首

荀卿

請成相世之殃愚闇愚闇墮賢良人主無賢如瞽無相何佞佞○請布基慎聖人愚而自專事不治主忌苟勝羣臣莫諫必逢災○論臣過反其施尊主安國尚賢義拒諫飾非愚而上同國必禍○曷謂罷國多私比周還主黨與施遠賢近讒忠臣蔽塞主勢移○曷謂賢明君臣上能尊主愛下民主誠聽之天下為一海內賓○主





之孽讒人達賢能遁逃國乃蹙愚以重闇以重闇成
 為桀○世之災妬賢能飛廉執政壬惡來卑其志意大
 其園囿高其臺○武王怒師牧野紂卒易鄉啓乃下武
 王善之封之于宋立其祖○世之衰讒人歸比干見劓
 箕子累武王誅之呂尚招麾殷民懷○世之禍惡賢士
 子胥見殺百里徙穆公得之強配五伯六卿施○世之
 愚惡大儒逆斥不通孔子拘展禽三絀春申道綴基畢
 輸○請牧基賢者思堯在萬世如見之讒人罔極險陂
 傾側比之疑○基必施辨賢罷文武之道同伏羲由之
 者治不由者亂何疑為○凡成相辨法方至治之極復
 後王慎墨季惠百家之說誠不祥○治復一條之吉若
 子執之心如結衆人貳之讒夫棄之形是詰○水至平
 端不傾心術如此象聖人辨一而有執直而用拙必
 天○世無王窮賢良暴人芻豢仁人糟糠禮樂滅息聖
 人隱伏墨術行○治之經禮與刑君子以脩百姓寧明
 德慎罰國家既治四海平○治之志後執富君子誠之
 奸以待處之敦固有藏之能遠思○思乃精志之榮好
 而壹之神以成精神相反一而不貳為聖人○治之道
 美不老君子由之佼以好下以教誨子弟上以事祖考
 ○成相竭辭不蹙君子道之順以達宗其賢良辨其殃

孽

請成相道聖王堯舜尚賢身辭讓許由善卷重義輕利
 行顯明○堯讓賢以為民汜利兼愛德施均辨治上下
 貴賤有等明君臣○堯授能舜遇時尚賢推德天下治

雖有賢聖適不遇世孰知之○堯不得舜不辭妻以二女任以事大人哉舜南面而立萬物備○舜授禹以天下尚得推賢不失序外不避仇內不阿親賢者予○禹勞心力堯有德干戈不用三苗服舉舜畝畝任之天下身休息○得后稷五穀殖夔為樂正鳥獸服契為司徒民知孝弟尊有德○禹有功抑下鴻辟除民害逐共工北決九河通十二渚疏三江○禹敷土平天下躬親為民行勞苦得益臯陶橫革直成為輔○契玄王生昭明居於砥石遷于商十有四世乃有天乙是成湯○天乙湯論舉當息讓卜隨舉牟光道古賢聖基必張○願陳辭世亂惡善不此治隱諱疾賢良由姦詐鮮無災患難哉阪為先此篇脫聖知不用愚者謀前車已覆後未知更



何覺時此壯有脫字○不覺悟不知苦迷惑失指易上下忠不上達蒙揜耳目塞門戶○門戶塞大迷惑悖亂昏莫不終極是非反易比周欺上惡正直○正是惡心無度邪枉碎回去道途已無郵人我獨自美豈無故○不知戒後必有恨後遂過不肯悔讒夫多進反覆言語生詐態○人之態不如備爭寵嫉賢利惡忌妬功毀賢下欽黨與上蔽匿○上壅蔽失輔執任用讒夫不能制執當郭公長父之難厲王流于彘○周幽厲所以敗不聽規諫忠是害嗟我何人獨不遇時當亂世○欲對裏言不從恐為子胥身離凶進諫不聽劉而獨鹿棄之江○觀往事以自戒治亂是非亦可識託於成相以喻意請成相言治方君論有五約以明君謹守之下皆平正

國乃昌○臣下職莫游食務本節用財無極事業聽上
莫得相使一民力○守其職足衣食厚薄有等明爵服
利往印上莫得擅與孰私得○君法明論有常表儀既
設民知方進退有律莫得貴賤孰私王○君法儀禁不
爲莫不說教名不移脩之者榮離之者辱孰宅師○刑
稱陳守其銀下不得用輕私門罪禍有律莫得輕重威
不分○請牧祺用有基主好論議必善謀五聽循領莫
不理續主執持○聽之經明其請當作參伍明謹施賞
刑顯者必得隱者復顯民反誠○言有節稽其實信誕
以分賞罰必下不欺上皆以情言明若日○上通利隱
遠至觀法不法見不視耳目既顯吏敬法令莫敢恣○
君教出行有律吏謹將之無鉞滑下不私請各以脫所
宜舍巧拙○臣謹修君制變公察善惡論不亂以治天
下後世法之成律貫

廣文選卷第二十三

江都葛潤校